

3

ACADEMIAE LUDOVICIANAE RECTOR
ET
ORDINIS IVRIDICI DECANVS
CHRISTIANVS HARTMANNVS
SAMVEL GATZERT D.
CANDIDATORVM DIGNISSIMORVM
VIRI
GENEROSISSIMI ET ILLVSTRIS
FRIDERICI IOSEPHI NOBILIS DE SCHMITZ
EMIN. ELECT. MOG. A CONSIL. REGIM. ET IVDICII AVLICI
PRAESENTATI CAMERAE IMPERIALIS ASSESSORIS
NEC NON
VIRI PRAENOBILISSIMI
GEORGII IGNATHI MANSVETI RÜDING
IUDICII IMP. CAMERALIS SECRETARI^{II}
SOLLEMNIA IN AVGVRALIA
PRO MORE INDICATVRVS
DE
RESTITVTIONIS IN INTEGRVM
EFFECTV NONVNQVAM DECLARATORIO
IN SUPREMIS IMPERII IUDICIS
PAVCA PRAEFATVR.

G I S S A E,
typis IOANNIS IACOBI BRAVNII, acad. typogr.
CICOCCLXXXIII. recusa CICOCCLXXX.



§. I.

QVATENVS DECLARATIONI SENTENTIAE IN RESTI-
TVTORIO LOCVS SIT.

In declaranda sententia omnem operam omnemque industriad in eo in primis collocare oportere iudicem, ne limites interpretationis excedens ad correctionem pro labatur & vel addat aliquid obligationi partis reae vel detrahatur iuri quaesito eius, qui vicit, constans & perpetua est iuris regula. Nec enim recte dixeris declarare aut explicare iudicem, qui aliud plane & diuersum ab antea dictis & scriptis pronunciat, quum haec tantummodo interpretari debeat, sententiam autem in effectu vllatenus immutare, latumue vnguem ab ea in substancialibus recedere, plane prohibetur. Haec quidem doctrina in eo potissimum casu ante oculos habenda est, vbi in Restitutorio declaratio sententiae officio iudicis

a 2

per-

peragi debet, prouti nonnumquam fieri consuevit in supremis Imp. tribunalibus (1). Primo enim omnium intelligenda hic est sententia, quae in rem iudicatam transiit, cuius autoritatem ne quidem sub obtenu nouorum instrumentorum tollere vel rescindere permittunt iura ciuilia (2): deinde declarationis facienda ratio non ex ambiguitate aut obscuritate verborum sententiae, veluti alias ex communi rei natura assolet, sed potius inde repetenda erit, quod nimis generatim nec satis forsitan determinatae fuerit concepta in circumstantiis, neque vero de hoc defectu ante constiterit, quam post Restitutionem quaesitam (3). Causa ita habet. Restitu-

(1) Fieri posse ad petitam Restitutionem in integrum, hac reiecta, Sententiae declarationem, auctores sunt b. de LVDOLF in *Olseru. For. Suppl.* O. 333. & b. L. B. de CRAMER in *System. Proc. Imp. Sect. IV. Tit. II. §. 1498.* In genere quidem declarationi ex officio, alius remedii reiecti loco, datae locum facit ill. RÜTTERVS in *Conspectu rei iudic. imp. p. 131. a)* & *p. 305. a)* nec non in *Epit. Proc. Imp. §. 432.* Ast equidem potius censuerim, quum noua argumenta prolati declarationi, de qua loquimur, ansam demum praebuisse putanda sint, in aliis autem remediis nouorum non habeatur ratio; effectum declaratorium soli Restitutioni merito tantum attribui debere.

(2) *L. 35. D. de re iudicat. L. 4. C. eod.*

(3) Incertitudinis esse speciem, quae procedat a generalitate aut verborum aut obligationis, declaratione deinde auferendam, haud

tutione in integrum coram summis Imperii iudiciis
vsuro nouis argumentis opus esse, aut certe antiquorum
cum iisdem coniunctione, notum est quam quod
notissimum. Iam licet in casu aliquo speciali, noua haec
argumenta non ita quidem fortia esse queant & ad rem
facientia, vt quoad ipsam iudicati essentiam restitutioni
locus concilietur, vtque eorum pondere obligatio iam
tolli valeat & rescindi, quam solidis superstructa argu-
mentis reo iniunxit sententia: potest tamen eiusmodi
simil exinde apparere facies rei, vt persuasissimum fiat
iudici, se certissime moderaturum fuisse sententiae am-
bitum, si rationem causae, nunc demum cognitam, tunc
temporis iam sciuisse: potest in presentiarum ex nouiter
adlati causae fundamentis, illaeso licet iure ipso partis ad-
uersae manente, tamen in reliquis detegere se aliqua sen-
tentiae generatim latae durities, quam argumenta manife-
stissima & citra limitem eam intelligi aut ad effectum de-
duci prohibentia temperare exposcunt. Potest ex libel-
lo restitutionis ante oculos demum poni defectus aliquis
eorum, quae aut ad consequentiam iam statutorum aut

a 3

ad

haud est ambiguum. Vid. P. SCHVLTZ in Diff. de Omissis in
Sententia c. III. n. 164. 182. sqq. GE. WENER de Sententia
Concl. 19. 3). Generalis sententia quoad verba non est dubia,
sed clarum continet sensum, modo petitionem principii non infe-
rat. Ergo quoad punctum: an? transit in rem iudicatam, licet
quoad punctum: quantum? non transeat, sed ulteriori specifica-
tione & deductione opus habeat, sunt verba 1. i. SCHOEPFERI
de declarat. sentent. dubiae c. 2. n. 15.

ad securitatem indemnitatemu parti questae iure perfecto debitam pertinent, & quae, ad vltioris litis ambages praescindendas nouique processus incommoda euitanda, supplementi ope iam denique adiicere consultum est (4). In eiusmodi causis Praxis hanc seruat regulam, vt Restitutio petita non concedatur quidem, quia argumenta adlata iudicati ipsius rescissioni, saltim in vniuersum, imparia esse pro certo ponendum; sed tamen sententia praecedens, mente eius quasi alia substituta, per declarationis officio datae auxilium, modum accipiat & iustum aliquod temperamentum (5). Rectissime vero, vt videtur. Addere enim ad cohendas lites, quae cum iure quae sito victoris plane non pugnant, e contrario autem parti victae iure perfecto debentur; supplere ac determinare ea, quae luculenter

de-

(4) PAVLVS respondit, rescindere quidem sententiam suam praecedentem Praetorem non posse: reliqua autem, quae ad consequentiam quidem statutorum pertinent, priori tamen sententiae desunt, circa condemnandum reum vel absoluendum, debere supplere. L 42. de re iudic. Quod enim statim subiicitur, scilicet eodem die, ad eam causam pertinere non videtur, vbi demum ex vsu remedii contra sententiam, supplementi patesit necessitas. Vid. SODE de Mutatione sententiae th. 16.

(5) Huc itaque vere non pertinet casus sententiae declaratoriae in foro communis saepe obuius, vbi sententia prior, remedio interposito reiecto, in genere quidem confirmatur: sed additur declaratio reformatoria, jedoch mit dieser Erklarung &c. Et declarationis enim significatus hic alias est & sententia intelligitur remedio suspensa.

desunt aut ex ipsa vincentis commemoratione aliter definienda sunt: non est mutare aut retractare sententiam. Egregie hanc in rem b. l. b. de CRAMER (6), causa finalis sententiae, inquit, consideranda est. Vna vero eademque utrobique occurrit. Hanc vero quamdiu seruat iudex, ius parti quaesitum, ceu effectum illius, sartum testumque seruat. --- Aequa minus retrahit Iudex sententiam, qui per aliam remouet, quod effectui illius obstat, ac is, qui decidit, quod superest, nimirum si quid dubii restet. Nec obstat, reiecti remedii vires esse posse nullas. Dum enim restitutioni in integrum effectum quandoque declaratorium attribuo, non ita intelligendus sum, ac si recta via & qua talis eam producat, sed ut eidem per obliquum tantummodo ansam det atque occasionem. Rarissimi interim sunt eiusmodi casus, tum quod condemnati querelae adeo iustae esse debeant, ut aduersarius, in quo efficaciter contradicere queat, prorsus non habeat, tum quod iura victoris facillimo tamen semper periculo maneant exposita. Binis rem exemplis in praesens illustrabo, quorum alterum Iudicij Imperii Aulici, alterum Camerae Imperialis Praxin commonstrat.

§. II.

PRAXIS IUDICII IMPERII AVLICI.

Quum aliud non suppetat, feligam exemplum e

causis,

- (6) in *Observ. Iur. Vn. T. I. O. 15*, vbi pro more suo, id est solide, deducit, iudicem sententiam non mutare, qui modum eandem ad effectum deducendi per aliam mutat.

causis, quibus ipse in Consilio Imperii Aulico patroci-
nium praestiti.

Praeter alia, de solutione debiti hypotheca feudali
muniti lis etiam erat inter S. R. I. Nobiles immediatos
de R. successores feudales, & de B. heredes allodiales de-
functi vasalli de R., cui interuenerat creditrix, Fundatio
Aufsessiana B. Cum Senatus Imperii Aulicus firmiter fo-
ueat sententiam, agnatos feudi successores ob consensum
in hypothecam praestitum non teneri, nisi excusso allo-
dio; non poterat non d. 26. Maii 1758. decerni sen-
tentia contra allodii heredes. Erat autem eiusmodi:

Daß die Impetratische Geschwister von B., als Eigens
Erben des H. G. von R., das von demselben bey der
Aufsessischen milden Stiftung im J. 1742. erborgte
Capital a 24000. fl. Frkl. in denen verschriebenen Fri-
sten nebst denen verfallenen und ferner faelligen Zin-
sen, Einwendens ohngehindert, vorzüglich zubezah-
len schuldig seyen. Jedoch der ab Impetratis ratione
meliorationum in feudo factarum bereits eingeführten
Klage ohnbeschadet.

Ast Fratres de B. in Restitutionis in integrum re-
medio refugium quaerentes, sole postea clariss proba-
bant, praeter vtensilia quaedam nullius fere pretii & mo-
dicam argenti summam, in funus defuncti aliorumque de-
bitorum priuilegiariorum solutionem iam erogatam, se pla-
ne nihil bonorum accepisse, totam e contrario allodii
he-

hereditatem contra ius fasque sibi negari & adhuc detinendi ab ipsis aduersariis, quos etiam hoc nomine peculari actione ibidem conuenerant. Contra paratissimae solutionis iniunctae obligationem ipsam, iuri quippe conformiter decretam, haud poterant restitui: durissimum erat interea, soluere debere, antequam bona ipsa feudo prius excutienda possederis. Quo minus praeterea inuentarium rite confidere liquisset, soli etiam impediuerant aduersarii. Fines igitur obligationis generatim impositae regere modumque ei pro singulari causae qualitate ex aequo pone-re, ad supplementum sententiae prioris ita necessario pertinere ratus, ut ne quidem opus fuisse remedio, Senatus iustissimus hanc reiectis restitutionis precibus declarationem d. 23. Dec. 1765. pietate officii commo-tus substituit (*):

Nachdem per Sententiam de 26ten May 1758. wie weit Beklagte von B. als Eigens Erben vor das Auf-seßische Stiftungs Capital vorzüglich zu haften demahlen schuldig seyn, noch nicht entschieden worden, und sie die von ihnen neuerlich sub lit. I. beygebrachte von ihrem Verwalter bereits beschworne Specifica-tion des nach Ableben des Erblassers zu ihren Haenden gediehenen allodial Vermoegens, wie auch den über deßen Betrag, sub lit. H. formirten calculum, mit einem

b

koerper-

(*) Addenda sunt haec iis, quae de casu nostro iam commemo-ravit Generosiss. & amicissimus KOBIVS de KOPPENFELS in per-egregia Commentat. de Pecunia mutuatitia tuto collocanda c. VI. g. 85. p. 158.

koerperlichen Eyde zu bestaercken erboethig, auch da-
zu miteintretenden besondern Umstaenden nach billig
zu zulassen; Als wird zwar die von ihnen überflüssig
gebetene restitutio in integrum vor unstatthaft und er-
klaeret: Daß sie der intervenientischen von Auffessischen
milden Stiftung die Zahlung vor jetzo weiter nicht
zu leisten schuldig und gehalten, als in so fern das
zu ihren Haenden gekommene allodial Vermoegen nach
geleisteten vorgedachten Eyde zureichend, und Impe-
trati von B. daß bereits ein und anders rechtlicher Ge-
bühr nach anderwaerts hinverwendet worden, in con-
tinenti zu erweisen nicht vermoegend. Wie dann de-
nenselben sowohl zu Leistung sothanen allhier in Per-
son oder per procuratorem abzulegenden Eydes, daß
sie nemlich ein mehreres, als in der Specification sub
Lit. I. enthalten, von der R. --- schen allodial Verlaßens-
schaft zu ihren Haenden nicht bekommen und deren
Betrag sich über die in Lit. H. angegebene Summa
nicht erstrecke, als auch zur Original Production de-
rer über die allschon praestirte allodial Schulden Zahlu-
gen, und bestrittene Leichenkosten in Handen haben-
den Quittungen und Belege hiermit terminus duorum
mensium sub Comminatione realis Executionis anbe-
raumt wird.

Vifum igitur est, Restitutionem ex superfluo fuis-
se interpositam & solutionis iniunctae moderandae causa
simul terminum iurandi & apocharum proferendarum su-
per soluta iam debita praefigere ac de caetero restitutio-
nis

nis libellum non nisi ad solam, quam vocant, *notitiam tam cum parte aduersa quam interueniente creditrice communicare libuit.*

§. III.

PRAXIS CAMERAE IMPERIALIS.

Exemplum Praxeos Camerae Imperii, vnicum quidem, quod e tanta scriptorum iuris Cameralis cohorte inter Ludolfianas Observations (*) reperire licuit, sequentis est argumenti.

Aetum fuerat ab heredibus filiae Ganerbicae contra Aediles & Ganerbios Stadenes ad restituendam sortem pretii Ganerbici 2514. florenorum, & Mandatum de soluendo S. C. a. 1698. decretum. Excipiebat hoc ad d. 18. Mart. 1701. Paritoria plena, quam dicunt, verbis generalibus concepta & hac solum reconventionis reseruatione munita: die wegen einiger Burg Laender gemachte Gegen-Praetension gehoeriger Orthen ein und auszuführen. Sequebatur deinde ad d. 17. Jul. 1702. Paritoria inhaesua. In restitutionis postea electo iudicio nunc demum proferebant rei actorum litteras reuersales, quibus hi, illos immunes reddere a damno, bona Ganerbica redintegrare & debita suscipere, sollemniter erant polliciti ipsique actores declarabant, se tantum agere contra Ganerbios de Loew. Quo facto Camerae iudicium ad d. 20. Ian. 1736. repulsa Restitutione in integrum confirmavit Paritoriam

Demnaechst ist des ... Gesuchs pro Restitutione in in
b 2 tegrum

(*) in cit. *Observ. For. Supplm. O. 333.*

tegrum auch weiter bescheinigen Einwendens ungehindert, --- gläubliche Anzeige zuthun, daß dem --- Mandato auch darauf gefolgen Paritoriis und zwar, gestalten Sachen nach, allein durch die, von denen Adelichen Geschlechtern der Ganerbschaft zu Stade, dermalen nur noch übrige von Loewen, gehorsamlich gelebet sey

declaratione moderaminis specialiori hac adiecta

Jedoch bleiben Klaegere in Gefolg des ehedem ausgestellten Reverses sub (52) verbunden, wofern jemand wegen des in dieser Sache eingeklagten, und ihnen auszuzahlenden Kauf-Geldes einigen Spruch oder Forderung an Beklagte thun würde, dieselbe de iure & facto zu defendiren, zu vertreten und gaenzlich Schadloß zu halten. Da auch Beklagte, daß sie den in ermeldtem Revers versprochenen nothwendigen Beweiß thun, zu Wiederherbeybringung des Stockheimer Burg Gelaendes denen Klaegern oder ihren Vor-Eltern verhaftet, bescheinigen, oder solches noch inskünftige, zumal bey der immittelst verflossenen so langen Zeit, hinlaenglich thun würden, solle alsdann, wegen Befolung des Reverses in Wiederherbeybringung solcher Burg Gelaende, fernere Rechtliche Erkenntniß erfolgen; auch bleibt Beklagten, wenn sie einige Stockheimische Schulden nach Inhalt oftgedachten Reverses erweißlich machen koennten, solches gegen die Klaegere annoch auszuführen vorbehalten: jedoch

jedoch dieses alles vorangeregter ihnen aufgelegter Partition unabrückig.

Subiungit LVDOLFVS, quia in Instantia Restitutionis argumenta fuerint prolati Paritoriam illam impeditura, si in tempore allegata fuissent, visum fuisse Senatui, insuper habita petitione Restitutionis in integrum, moderando sententiam priorem Paritoriam, liti imponere finem idque satius fore, quam ut, admissa ob aliquas saltem causas fundatas Restitutione in integrum, novo Processui ansa daretur. Iustissime sine dubio. Quum enim ex litteris actorum reuersalibus ius agendi reo luculenter competet, nisi iudex animum aduertisset ad illud, declarando magis specialiter reconuentonis iura, generatim nimis antea seruata, singulis vicibus peculiari processu opus neque finis fuisset dubitandi regulam, videri iudicem repulisse petitionem, super qua non pronunciauerit.

Sed pluribus haec in praesens illustrare & chartae non patitur & temporis angustia. Fert enim muneris ratio, ut duorum dignissimorum Candidatorum sollemnia inauguralia publice iam significem.

Alter est

VIR GENEROSISSIMVS ET ILLVSTRIS
FRIDERICVS IOSEPHVS DE SCHMITZ
 EMINENTISS. ELECTOR. MOGVNT. A CONSIL. REGIMIN. ET IUDICII
 AVLICI, EX PATRE CIRCVLI RHENANI SVPERIORIS CAMERAE
 IMPERIALIS PRAESENTATVS ASSESSOR

de vitae suae laudatissime actae his apud nos verbis vhus:

Filius Assessoris Camerae Imperialis IOH. CHRISTO-

PHORI de SCHMITZ, die 28. Octobris 1732. Hildesiae Saxoniae inferioris natus, prima Elementa Iuris Civilis & Canonici posui praecedente Dno Consiliario aulico & Procuratore Camerae Imperialis BISSING & Aduocato nunc Professore Heidelbergense Dno KIRSCHBAVM, dein studium Digestorum, Iuris Publici, Naturae, Historiae Imperii & vniuersalis Moguntiae per duos annos continuaui apud Dnos Professores NEVREVTER & DÜRR, usque dum Gottingae per vnum & dimidium anni, Digesta, Ius Publicum, Feudale, Criminale, Historiam Imperii, vniuersalem, statisticam ut & Collegium practicum apud D. D. Professores, GEBÄVER, SCHMAVSS, KOEHLER, BOEHMER, MEISTER, PÜTTER & ACHENWALL absolui, nec non Praxin Cameralem apud D. D. Consiliarios & Procuratores LOSKANT & de BRANDT per vnum annum Wetzlariae frequentauit.

Alterum

VIRVM PRAENOBILISSIMVM
GEORGIVM IGNATIVM MANSVETVM RÜDING
WETZLARIENSEM

ita de se exponentem audiuiimus:

Parentem optimum FRIDERICVM WILHELMVM RÜDING, supremi Camerae Imperialis Iudicij Cancellariae Directorem, colo, matrem vero habui suauissimam ANNAM MARIAM natam nobilem de PÜTZ, filiam quondam Assessoris de PÜTZ; annum modo gero vigesimum

num quartum; studia inferiora colui apud Patres S. I.
Wetzlariae & Moguntiae; absoluto studio philosophico
per biennium Wetzlariae Iurisprudentiae, quam eo
tempore tradidit ibi certus quidam iurisconsultus
TRAVTMANN, incubui, dein studium iuridicum
absolui Herbipoli in Franconia; in qua vniuersitate per
triennium commoratus sum; elapso hoc triennio Wetzla-
riam reuersus, per vniennium praxi camerali apud illu-
strem ac consultissimum Dnum PHILIPPVM IACOBVM
RASOR, iuris utriusque Doctorem, supremi Camerae Im-
perialis Iudicij aduocatum & procuratorem, operam na-
uui, quo elapso examen iussu Eminentissimi Electoris
Moguntini, Domini mei perquam gratiosissimi, sub per-
illustribus & Excellentissimis Dnis a KELLER & ab
HORIX, Eminentissimi Electoris Moguntini consiliariis
intimis, subii, & sic rite tentatus ao. 1769. munus Se-
cretarii supremi Camerae Imperialis Iudicij ab Eminen-
tissimo Electore Moguntino obtinui, cui adhucdum
praesum.

Non tantum textus ex vtroque iure sibi proposi-
tos, L. vn. C. vt quae def. aduoc. part. iudex suppl. &
c. 26. X. de test. & attestat., insigni eruditonis copia e-
laborauit & magnam laudem tulit in examine rigoroso
Vir Praenobilissimus, sed &, praemissa eleganti commen-
tatiuncula de Austraegis, ad d. II. April. Theses ex omnigeno
iure sub Praesidio GENEROSISSIMI DOMINI CANDI-
DATI de SCHMITZ tanta alacritate ingenique virtute
publi-

publice defendit, vt cum peregregiae eruditionis
Domino Praefide pariter suffragia Ordinis nostri totius-
que Senatus Academicus vnamimia tulerit, petitam sum-
morum in iure honorum *Licentiam* adipiscendi. Quam
hesterno die Ipsi sollempni actu collatam dignitatem pu-
blice nunc signifco & PERILLVSTRI AC MAGNIFICO
DOMINO PROCANCELLARIO, ILLVSTRISSIMO CO-
MITI, PROFESSORIBVS AC PROCRIBVS REI PV-
BLICAE TVM LITTERARIAE TVM CIVILIS OMNIUM
ORDINVM CELEBERRIMIS, HOSPITIBVS INPRIMIS
ATQVE CIVIBVS ACADEMIAE NOSTRAE GENERO-
SISSIMIS AC PRAENOBILISSLIMIS pro praesentia,
qua actum disputatorium splendidiorem reddere be-
nigne voluerunt, gratias ago habeoque maximas. P. P.
in Academia Ludouicianae ad d. III. April. ccccclxxviii.

Sub sigillo Facultatis iuridicae.



1732. Hildebrand
ta Iuris Civilis
ario aulico &
E Aduocat
URSCHBAVM,
aturae, Hispo-
uos annos con-
R & DÜRR,
um anni, Di-
, Historiam Im-
egium practicum
, SCHMAVSS,
PUTTER &
veralem apud
ANT & de
uentauia,

M RÜDING

WILHELMVS
judicij Consil
bui suauissim
PÜTZ, fa
modo genit
m

